

德平縣志卷之九

恩卹志

光茲

大典

綸音上賚

楓宸勗爾前人厚澤遙

頒梓里以子之貴爲貴當身所榮益榮於戲

推恩廣祖父之仁有加無已

卹廕及子孫之遠後裕前光忠可嘉也

典綦重矣作恩卹志

德平縣志

卷九

恩卹

一

天成謙記南紙店代印

濟南城內芙蓉街路西

綸音

唐

孟簡授浙東觀察使勅命

勅曰仲尼以舉賢才則理大禹以能官人則安况西界泲河東  
奄左海機杼耕稼提封七州其間繭稅魚鹽衣食半天下不有  
可仗豈宜委之汝孟簡溫良恭儉齊莊中正實以君子之德華  
以才士之詞踐歷清顯昭彰令聞輟自掌言式是近輔子貢爲  
清廟之器仲弓有南面之才智莫能欺剛亦不吐表率教化皆  
有法度今者兵爲農器革作軒車言於共理在擇循吏是故用  
已效之績託分寄之任擁蓑而旆服元玉化千里而有三軍儒

者之榮莫過於此孔子曰仁者愛人智者知人愛人則疲羸可蘇知人則才幹不棄土宇既廣殺生在我備此二者可以報政榮加副相用壓大邦汝其勉之無忝所舉明

郎中吳達授階奉政大夫誥命

景泰二年

制曰朕正庶官以熙庶績而刑者民命所係故矜恤之心實勤夙夜而典刑辟者必得仁恕公慎之臣乃稱朕意爾南京刑部浙江清吏司郎中吳達發身上庠擢官斷事瀟歷今職克效勞勤是用進爾階奉政大夫錫之誥命以爲爾榮報此茂恩益勤祇慎易曰刑罰清而民服必使刑不濫而民不冤則爾亦有無德平縣志

卷九

恩卹

一

天成謙記南紙店代印

濟南城內芙蓉街路西

窮之譽欽哉

主事吳潤進階承德郎勅命

成化七年

制曰地官之屬司國計掌錢穀生民休戚所係責任非輕必得端慎明敏之士乃克有稱爾戶部雲南清吏司主事吳潤發身賢科擢任斯職歷年滋久茂著公勤宜錫封章以旌勞勩是用進爾階承德郎錫之勅命以爲爾榮其益懋廉慎以展才能以收後效欽哉

御史張暹授階文林郎勅命

制曰朝廷寄御史以耳目之任欲其宣鬯皇風振肅國憲俾上無闕政而下無隱情所謂邦之司直也故簡選必慎褒敘宜先

焉爾江西道監察御史張暹久於邑序育於國學才識通明器資凝重自擢爾憲地而能秉直不阿奉公有恪紀綱之任誠於爾宜茲以覃恩授爾階文林郎錫之勅命夫執法之吏或以好訐苛察爲風裁或以容邪長奸爲寬大皆非也爾其務敦大體必正必嚴庶承朕之休有俾政治欽哉

處士蘭拳贈府丞誥命

制曰國家隆使臣之禮原教子之功爵賞旣及其身褒封必加其父制實通於今昔義不異於存亡爾贈徵仕郎兵科給事中蘭拳乃順天府府丞琦之父孝弟重於家庭仁讓孚於鄉黨致生賢子爲時能臣顧鼎釜之榮未逮於養而風木之感每切於心宜思考績之成載示追褒之命茲特加贈爲中憲大夫順天府府丞靈爽有知尙其歆服

處士呂詔贈主事勅命

制曰人臣事君之忠資於事父故國家旣榮錫命緣子乃親於以教孝而勸忠甚盛典也爾呂詔乃戶部山西清吏司主事呂佑之父賦資坦易制行純朴義讓之風孚於族黨施予之誼洽於鄉閭式穀嗣賢家聲用振爾之志酬而名亦永茲特贈爾爲承德郎戶部山西清吏司主事龍章有赫燕翼彌光

主事呂佑授階承德郎勅命

制曰國家財賦領於地官而制屬特備朕所望以阜財裕民者

至切也及茲大賚可靳恩褒咨爾山西清吏司主事呂佑才資  
詳雅操履端純脫穎制科簡任計部而能益勵廉勤克承祇敘  
良足嘉矣茲用覃恩授爾階承德郎錫之勅命夫八政之疇食  
貨爲先國之所賴以立也惟均節有方則用可裕惟出納克允  
則弊可釐尙聿殫乃忱以稱任使嗣有陞陟視爾之成欽哉

推官葛守禮授階文林郎勅命

嘉靖十二年

朕惟刑爲梗化之防化之不能而刑始加焉故國家於諸郡必  
置官以專理之厥責重哉爾河南彰德府推官葛守禮發身科  
甲擢任今職惟廉惟恕克慎克明平反功多刑無枉濫薦章交  
上最績是書茲授爾階文林郎錫之勅命爾其益殫乃心修乃  
德平縣志

卷九 恩卹

四

天成謙記南紙店代印

濟南城內芙蓉街路西

業晉膺簡陟副我訓詞欽哉

經歷葛智贈侍郎誥命

嘉靖十二年

制曰朕尊禮大臣推恩必遠逮其祖匪獨崇重本原抑亦章厚  
植之功示發祥之有自也爾原任直隸鳳陽右衛經歷司經歷  
春智乃吏部侍郎守禮之祖砥節勵行廉正自持遺德久重於  
鄉評慶源深培於累葉雖一官勇退施用未宏睠爾聞孫贊予  
邦治爰推所自式煥崇恩茲特贈爾爲通議大夫吏部右侍郎  
嗚呼榮名顯秩爲爾貽謀之報亦旣厚矣尙綏寵澤永祚厥家

處士葛環贈侍郎誥命

嘉靖十二年

制曰朕聞天子之卿所賴以翼戴王室光贊帝猷者也故崇進

階秩以隆寵其身而褒大榮名以施諸其父凡所以勸功而顯勞也自非世載賢德何以承之爾封文林郎河南彰德府推官葛環乃吏部右侍郎守禮之父躬篤孝友志秉潔修崇厚敦仁賤利貴義殆古隱君子之流歟雖蓄德未究而哲允繼興漢儒謂不以贏金而以一經爾可謂無愧矣鼎養遽違良可憫惜茲特加贈爾爲通議大夫吏部右侍郎於戲崇華之陟游服王章佑啓之勞不昭庭訓泉臺不爽豈不足於心而厚自妥哉

葛守禮進階通議大夫誥命

嘉靖三十二年

制曰國家稽古建官設冢宰以掌邦治而其貳實佐之所以爲朕辨賢敘能以宏飭官常表正有位者也自非名儒宿德資望

德平縣志

卷九

恩卹

五

天成謙記南紙店代印

濟南城內芙蓉街路西

隆茂者抑何以副朕倚嚮耶茲爾吏部右侍郎葛守禮具周練之才而持之以清慎體廓厚之度而濟之以精詳始冠鄉書繼光軒對所司者謂堪大受簡置夏曹爰究爾能再移春省訐謨決策憲古稽經所至著明績焉是用試之外臺俾司學政維爾行先本實學有淵源崇雅黜浮士風丕變肆荷登崇之任出入藩臬之間法旣尙於矜詳政尤切於經濟朕嘉敷歷晉畀拊循開府中州宏資保扞而釐正弊蠹綜核章程惠浹威宣風猷茂著爰召登六副贊我計曹節用理財益祗厥敘俾貳銓部實簡朕心乃能迪哲懸公計弊吏治官師有所匡率士心賴以維植可謂篤棐國家孚協名實大臣之標準者已最書來上殊用褒

嘉茲特授爾階通議大夫錫之誥命夫吏部者百司之表而庶績之本也故端士當朝則壬人改度哲臣秉鑑則衆善興勞朕方思與二三股肱共臻斯道爾其益稱任使毋枉訓詞

葛智贈尙書誥命

隆慶元年

制曰德修而位不稱天所必酬善積而慶有餘人之定理故即今而遡之往昔不在身則於其子孫惟國典之有常在推恩所必及爾贈通議大夫吏部右侍郎葛智乃戶部尙書守禮之祖父夙成令智早擅才名儲學泮宮拔尤廷選仕遊淮甸官評雅重其廉能歸賦閒居身教克敦乎孝友素稱長者陰隲積於一身粵有義方顯宦徵於再世爲善無不報之理而遲速以時流德平縣志

卷九

恩卹

六

天成謙記南紙店代印  
濟南城內芙蓉街路西

澤有必享之榮而崇卑以制茲特贈爾爲資政大夫戶部尙書恩輝永賁於重泉德祉尙綏於累葉

葛環贈尙書誥命

隆慶元年

制曰臣子効移忠之節每資父而事君國家敦勸孝之規亦因親而致愛厥有經常之典矧予繼述之初肆溥懿章式揚成憲爾贈通議大夫吏部右侍郎葛環乃戶部尙書守禮之父惇仁善睦輕財好施居缺畝而惟道之求身修儒者之行值流移而拯人於難鄉傳義士之名用貽燕謀發茲駿嗣中外宣力終始一心顧祿養之弗終宜褒章之是錫茲特贈爾資政大夫戶部尙書煥恩榮於三錫尙克歆承培芳蔭於重泉永貽休賁

葛守禮進階資政大夫誥命 隆慶元年

制曰朕方膺景祚嗣丕基既乃受命於天因以施祿及下矧地官家家宰之亞而邦計實王政所先不有褒崇何彰眷倚爾戶部尙書葛守禮器宏而厚識粹而明科名早冠於鄉闈甲第旋登於廷擢初試郡理之職繼晉邦政之司乃移春官以典禮儀更遷臬司而董學校歷階方伯載陟中丞貳司農而會計之允宜佐太宰而黜陟之惟慎位躋宗伯望重留京議論足以潤色乎國經操持足以轉移乎士習邈惟閱歷南北百務以久練而精中更晦處邱園十年惟高尚是適頃者博采群議特起戶卿而爾秉正無私竭忠罔懈坐紆籌策國用賴以充盈陳見悃誠德平縣志

卷九

恩卹

七

天成謙記南紙店代印

濟南城內芙蓉街路西

朝政有所補益睽爾舊德益霑新綸茲特進爾階資政大夫錫之誥命於戲君篤於恩自老成之無侮臣能其事惟成憲之是遵爾尙矢堅厥心懋敬乃職問金穀之計期匡濟於今時作霖雨之滋益崇修於晚節欽哉

葛智贈左都御史誥命 隆慶六年

制曰朕惟臣子効忠於朝茂揚勳烈必有貽謀之善以先啓之肆國家褒答列卿而愍書寵秩施及祖廟者所以溯其積累之勤而延恩於再世也爾累贈資政大夫戶部尙書葛智乃都察院左都御史守禮之祖父賦資穎敏飭行端純蔚以茂才實膺里選仕叅衛幕於昭廉直之稱晚憩林泉懋樹清修之軌蓄其

德祉貽於聞孫揆厥本原再申湛渥茲特贈爾爲資政大夫都察院左都御史越世而昌益衍宗支之慶九原可作尙歆綸綍之榮

葛環贈左都御史誥命 隆慶六年

制曰潛德之士敦崇懿行不自表見而能訓迪嗣人懋隆德業以大邦家厥功偉矣不需愍褒何以答其啓佑之勤哉爾累贈資政大夫戶部尙書葛環乃都察院左都御史守禮之父坦易以介俶儻而奇身居畎畝之中式表鄉閭之範含章履素行不愧於古人好義樂施世皆稱爲長者慶鍾哲嗣作朕名臣宜錫殊恩以昭貽穀茲贈爾爲資政大夫都察院左都御史祇歆寵德平縣志

卷九

恩卹

八

天咸謙記南紙店代印

濟南城內芙蓉街路西

渥永賁泉屏靈其有知式是不朽

葛守禮授階資政大夫誥命 隆慶六年

制曰朕誕膺寶歷宰制萬方隴惟宗社之奠安嘉爾臣鄰之翊戴矧憲臺重望允爲風紀之司專席崇班聿正肅清之度勳庸益茂毗倚方殷匪錫褒綸曷章異數茲爾都察院左都御史葛守禮朴忠天植祇敬日嚴具高明之識而本之以誠裕經濟之才而持之以正粵自省元發雋軒對蜚英司理名邦升猷無愧典三禮於春省夙夜惟寅範多士於中州言行可法歷階臬岳晉秩中丞貳司農而國計賴以均平佐太宰而人心服其藻鑑轉留都而任宗伯懋著清猷起林壑而作司徒允孚衆望俯從



終養載列秋卿爰肅政臺益資忠悃立朝凜正直之槩有古人風論事咸簡要之言得大臣體洎朕君臨之始屬以大計之權爾乃克協銓衡旌別淑慝休有烈光允矣忠良惟政績之方隆詎褒崇之可後茲以覃恩仍授爾資政大夫錫之誥命官階則一寵命用申於戲惟秉德不貳足以扶植乎紀綱惟守正不阿足以懾服乎奸宄顧茲重任實賴名賢爾尙克篤忠貞懋宣化理光贊維新之治益宏耆舊之勳祇服訓詞稱予至意欽哉

都事葛昕授階文林郎勅命

隆慶六年

制曰國家樞政責之督府領以重臣而贊理機務恒簡廕敘之彥以充之以其貫文事知典章有以佐勳弁之所不及也爾中

德平縣志

卷九

恩卹

九

天成謙記南紙店代印

濟南城內芙蓉街路西

軍都督府經歷司都事葛昕乃都察院左都御史守禮之孫夙稟茂資克成家學擢穎胄闡叅秩宥省而乃敬慎有聞操持匪懈瞻能共位修潔視身可謂無忝筦鑰之華階已茲以覃恩特授爾階文林郎錫之勅命爾祖總朕憲臺勳猷益茂毗倚方殷爾尙懋篤清勤永光家譽則忠孝之道胥得矣欽哉

葛守禮贈太子太保諡端肅誥命

萬歷六年

制曰奉職效忠人臣所以植立朝之節褒勞報德王者所以鼓勵世之權矧耆舊惟良在昔所當從厚而賚終有典於今顧可或遺爾原任太子少保都察院左都御史葛守禮視身清介賦性端凝自釋褐而歷事三朝聲猷並茂由理官而瀟登八座德

望彌隆乃簡任乎老成俾總司乎臺察獨持風采爰振飭乎憲儀克建訃謨式弼諸乎新政可謂邦之司直允爲民所具瞻顧毗倚之方殷乃養疴之屢疏特優賜告用遂頤神胡懸車之未幾而奠楹之遽奏追維往勩式按舊章茲贈爾爲太子太保諡端肅錫之誥命於戲台衡晉秩崇階躋一品之榮華袞尊名懿行垂百年之烈溥斯殊渥永耀幽局

中書葛彙生授階徵仕郎勅命 萬歷六年

制曰國家遴選文墨之士共事秘殿繫秩右垣厥維華且密矣屬茲大慶可靳恩施爾武英殿中書舍人葛彙生毓才冒學試職禁扉積有勞能乃授茲職而在公夙夜勤慎不渝是用授爾德平縣志

卷九 恩卹

一〇

天成謙記南紙店代印  
濟南城內芙蓉街路西

階徵仕郎錫之勅命夫宥密之地士得持橐容與其間稱榮幸矣行能兼茂是乃稱良爾其懋哉

廩生葛引生贈員外郎誥命 萬歷九年

制曰詩云凡周之士不顯亦世今以名臣之子而能啓迪後民可無褒顯之章乎爾贈文林郎中軍都督府事葛引生乃原任戶部陝西清吏司員外郎葛昕之父學本庭闈才稱國器研精博覽宏詞久重於儒林砥志潛修質行尤孚於士望齒之不永充乃彌昌用是贈爾爲奉直大夫戶部陝西清吏司員外郎再命承麻百年衍慶

葛昕授階奉直大夫勅命 萬歷九年

制曰尙書郎高選也頃詔六卿各核所部而省減之秩不繁而益重有以望郎聞朕將褒異之焉爾原任戶部陝西清吏司員外郎葛昕紹光祖德擢秀賢關從事戎樞雅著恭勤之譽進丞問署式臻蕃庶之休簡屬司徒宣力會計終制而起宜與榮恩茲授爾階奉直大夫錫之誥命朕今擢爾于水部夫防財之潰甚於防川要在相其源流而時導之耳爾既試有效矣彌加勵翼茂樹聲庸朕將有崇欽哉

御製郭中翰草韻辨體序

萬歷十二年

朕惟繩契既遠篆隸斯興中故變通趨於簡易故草書出矣溯其體式昉自史游章草之名擅長漢代嗣是張芝草書衛瓘藁

德平縣志

卷九

恩卹

一一

天成謙記南紙店代印

濟南城內芙蓉街路西

草義獻今草小草蔡襄散草咸稟規哲匠復鑄新模而旭素者流直入神品代有作者炳烜至今斯並文藻之鴻英觚翰之絕藝也朕夙懷好古雅慕攻書每於萬幾之暇繙閱法書心慕手追以自娛悅間得先朝中書官郭誥所輯草韻辨體自漢迄元諸體略備韻以字繫自以類從旁箋主名用便披覽爰命善書者重加摹寫付之纂刻朕觀其霞舒雲卷璧合珠聯貫六轡於翰塗匯萬派於筆海俾歲歷綿遠而手蹟如新條流紛糅而體製則一自有草書以來此其總萃矣夫字稱心畫學由心悟故唐文皇心正氣和之言柳公權心正筆正之諫超厥形象獨窺元微玩之有餘味焉若欲如翰卿墨客搨管濡毫臨池染練據

往跡而求肖工小技以役神則非朕志也

知縣王麟趾授階文林郎勅命 萬歷十五年

制曰邑有長令元元所寄命也乃良牧如良醫隨俗爲變而施輒効非通才疇能之爾直隸內黃縣知縣王麟趾一擢賢科三爲茂宰端廉約已之操豈弟宜民之政所在蒙惠所去見思後先治行朕甚嘉焉茲特授爾階文林郎錫之勅命間者南北旱澇民罹毒罰朕心惻然靡甯故申戒貪殘亟行蠲賑矧內黃朕畿輔地其益勤宣德澤以勞來此民功成明陟朕不爾忘也

檢討葛曦授階徵仕郎勅命 萬歷十七年

制曰朕頃命儒臣更直史館蓋以職紀載而備顧問非徒待詔

德平縣志

卷九 恩卹

一一一

天成謙記南紙店代印  
濟南城內芙蓉街路西

金馬侈盛事而已爾翰林院檢討葛曦識度端純文詞爾雅爰從甲第列在詞林而爾綜述滋勤操持彌慎東觀循記言之體南宮擅得士之聲是用授爾階徵仕郎錫之勅命於戲在昔爾祖守禮以忠朴亮直著在先朝尙有典刑是惟弓冶爾其深陶厚植祇率先猷勿替朕言以需大受也欽哉

鳴贊葛皓授階登仕佐郎勅命 萬歷三十四年

制曰古之才士有願爲典屬國者我句臚之臣奔走王會莫密近焉非抱材略世有風規宜未易辦爾鴻臚鳴贊葛皓乃太子少保都察院左都御史贈太子太保諡端肅守禮之孫贈奉直大夫戶部陝西清吏司員外郎引生之子儒林穎秀家學淵源

偶漏采於名場乃策躬於禁直溫溫大雅見掌故之能爛抑抑  
小心直夙宵而匪懈茲以覃恩授爾階登仕佐郎錫之勅命爾  
祖屢躋常伯正憲席朝廷森嚴固法紀地也尙以素所練習者  
秩我朝常於家閭逾光焉

庠生李科贈晉州知州誥命 萬歷四十二年

制曰瑰琦之士間不克自表見然箕裘之緒往往溢爲循良甯  
惟好還亦由式穀爾生員李科乃直隸晉州知州永芳之父丁  
年苦志酉室藏修錐處囊中已躡青雲之路珠沉海底竟遺明  
月之姿顧恭謹之訓不弛致清白之休日大考終雖久懿範如  
存茲用贈爾爲奉直大夫直隸晉州知州祇歆綸綍之華用慰  
德平縣志 卷九 恩卹 一二二

焄蒿之慕

知州李永芳授階奉直大夫誥命 萬歷四十二年

制曰溲水之區爲京師臂肘自昔災沴頻仍民生凋敝計非藉  
拊摩於循吏朕一人甯無傲焉爾直隸晉州知州李永芳冲襟  
粹品朗識通才始留犢於維陽去思未艾再褰帷於左輔來暮  
咸歌計裕綢繆樹蓋聲於軌物政先根本霈雨露於桑麻居然  
視國如家允矣投艱遺大茲用考績授爾階奉直大夫錫之誥  
命粵稽循良以道化俗不務宦成惟務息民矧爾咫尺輦轂又  
易於表見者今日之最已見一班矣尙其殫厥心以觀爾之成  
焉

主事葛如麟授階承德郎勅命 萬歷四十七年

制曰朕惟司徒實掌邦計而分制出納以佐軍國之需惟諸曹郎是賴自非清勤世篤敏練夙聞者未易勝厥任也爾戶部江西清吏司主事葛如麟志節超塵才猷濟美一掄軒對兩縮邑符急撫字而緩催科甯甘政拙軫單熒而均徭役勿避怨勞爰自簡稽晉叅版署而爾堅貞益勵盈縮周知轉餉竭趨事之勤驥騰萬竈督稅杜侵牟之隙立解棼絲所司上爾考曰人頌廉平事無盤錯可謂能其官矣是用授爾階承德郎錫之勅命昔爾祖端肅弼亮三朝持體持法侃侃不阿惟其耿介清白一意急公故致此爾自爲令至郎曹操持不易亦猶行祖之道也尙德平縣志

卷九 恩卹

一四

天成謙記南紙店代印

濟南城內芙蓉街路西

矢初心益宏勵翼豈惟軍國是賴朕且於爾觀樹立焉欽哉

葛昕贈奉政人夫誥命 泰昌元年

制曰國重世臣藉光前以裕後人推賢父即繩武以養才肆惟作述之兼隆宜備追崇於孔厚爾原任尙寶司卿加正四品服俸葛昕乃原任太子少保都察院左都御史贈太子太保諡端肅守禮之孫今戶部江西清吏司主事如麟之父家承貞白節勵靖共贊樞預戢戎行佐問時清牧馭歷官部署尤節慎乎大工晉秩司卿益忠虔乎至寶剛毅不阿禁近齊莊可質神明孝逮重闡嘉與陳情之疏惠周蔀屋全消無告之嗟一生著作經營勸關道義四望士民思頌式重方嚴德紹先程慶餘嗣詰是

用贈爾奉政大夫清標流百世之芳顯綽作九原之耀

葛如麟授階奉政大夫誥命

泰昌元年

制曰國用與軍儲相爲軒輊匪得冰玉之品持籌聰會及外軍國未有不稱誦者此普慶流恩勞臣宜首被耳爾戶部山西清吏司郎中葛如麟丰裁橘樹臨風潔守秋潭映月兩剗盤錯共稱霜鏗之揮一典譏征獨棄繭絲之利擁干旄以治粟一方介胄含恩借前箸而籌邊萬里秋毫畢照蘭風播譽芝檢宜加茲以覃恩授爾階奉政大夫錫之誥命夫宣鎮爲畿甸右臂向者餉運稍稍幾至脫巾爾名臣之後熟於掌故料理已有成績尙悉心視事俾邊軍藉以宿飽足爲我用惟爾之勛即爾先人階德平縣志

卷九

恩卹

一五

天成謙記南紙店代印

濟南城內芙蓉街路西

不再晉應大被乃來也爾其懋哉

尙寶卿葛昕贈朔議大夫誥命

天啓二年

制曰嘗聞明德之後必有達者非獨名位蟬聯蓋必侃直清正之槩不墜前光著聲朝右而復濬發其祥孫謀遠紹故足述也爾原任尙寶司卿贈階奉政大夫葛昕乃前太子太保都察院左都御史諡端肅守禮之孫今湖廣布政使司右叅議兼按察使司僉事如麟之父積習名教貫穿藝文發跡都官旋佐罔政序遷粉署遂領符卿當其條牧馬之便宜裁工役之冗濫功在陵寢崇錫膳羞至與中涓相持所省金錢百萬第知居官盡節庶幾祖武克繩固宜世有令人蔚爲朕之良翰茲用加爾爲朝

議大夫湖廣布政使司右叅議兼按察司僉事行楸再被夫洪  
休雙表尙餘夫懿節

葛如麟授階朝議大夫誥命

天啟二年

制曰惟荆楚夙號雄都而江防尤關要害奸宄出沒邏卒交通  
非細故也矧巴蜀震動草澤生心之日耶所藉秉憲之臣建威  
消萌非得文武備具者不可爾湖廣布政使司右叅議兼按察  
司僉事葛如麟峻節遠神長才卓識一掄廷對再縮邑符入佐  
狀曹力清浮蠹出司邊餉恩洽飽騰雅標題柱之名遂擢叅藩  
之選輿圖值四達之地控制凡千里而遙爾其以黍苗兼戶牖  
之防用保障爲衽席之計寸陰亦所當惜將佐之蒲博可投鈴  
閣不過數人裘帶之輕緩自若何事南樓之嘯咏庶幾石堰之  
功名茲用覃恩授爾階朝議大夫錫之誥命今天下孔亟矣外  
寇未平忽生內變異類猶可延及平民矧加額獨饒楚之脂膏  
幾竭鄰寇并起楚之征繕倍艱非有司一意拊循幾無甯宇非  
監司洗心表率安有循良惟乃祖端肅之勳昭垂金石爾第思  
不負家法即亦不負朝廷往欽哉

國朝

侍衛王宇泰授階通議大夫誥命

制曰褒忠表義昭代之良規崇德報功聖王之令與特頒恩命  
以獎勤勞爾二等待衛加一級王宇泰秉心謹飭臨事敏勤簡

德平縣志

卷九

恩卹

一六

天啟謙記南紙店代印  
濟南城內芙蓉街路西



居侍從之班克稱儀衛之職朝夕非懈指使無違既以遴選晉膺顯秩復逢盛典宜被新榮茲以覃恩特授爾階通議大夫錫之誥命於戲恩推自近乃宏獎夫崇階業廣惟勤尙克承夫寵賜欽予時命勵爾嘉猷

以上中鍾志

增生閣震贈文林郎勅命

道光二十五年

制曰宣猷服采中朝抒報最之忱錫類殊恩休命示酬庸之典爾增生閣震乃翰林院吉庶士閣翥鵬之父令德踐修義方夙著詩書啓後用彰式穀之風弓冶傳家克作教忠之則茲以覃恩封爾爲文林郎翰林院庶吉士加一級錫之勅命於戲篤生杞梓之材功歸庭訓丕煥絲綸之色榮播天章

德平縣志

卷九

恩卹

一七

天成謙記南紙店代印  
濟南城內芙蓉街路西

翰林閣翥鵬授階文林郎勅命

制曰秘苑儲才妙選必克吉士大廷錫類殊榮爰逮儒臣爾翰林院庶吉士閣翥鵬器資純雅學識通明釋褐登朝試職文章之府分藜寓直摛華翰墨之林茲以覃恩授爾爲文林郎錫之勅命於戲入官筮仕早爲王國之楨稽古增榮勿替天家之澤

增生閣震贈承德郎勅命

道光三十年

制曰考績疏庸特重推恩之典服官資敬聿肇式穀之功爾閣震乃刑部江蘇司主事翰林閣翥鵬之父世擅清門代傳素業家風純厚垂弓冶之良模庭訓方嚴啓詩書之令緒茲以覃恩贈爾爲承德郎刑部江蘇司主事錫之勅命於戲簿籙金而示

誨世澤常延錫鞶帶以加榮天休弗替

翰林閣翥鵬授階承德郎勅命

制曰弼教祥刑首重簡孚之任察辭蔽獄聿推明允之司爾刑部江蘇司主事翰林院庶吉士閣翥鵬職茲邦禁隸在秋官用罰寬平克贊好生之德宅心矜恕式宏止辟之休茲以覃恩授爾爲承德郎錫之勅命於戲賁恩綸之有赫期執法之無愆寵命其承恪勤無替

封贈

已載  
誥勅者不重列

宋

劉芝以子禹贈奉議郎

德平縣志

卷九

恩卹

一八

天成謙記南紙店代印  
濟南城內芙蓉街路西

明

吳子實以子達贈刑部郎中

吳琦以子潤贈戶部主事

張士巖以子暹贈江西道監察御史

韓冕以子文贈戶部司主事

蘭守成以孫琦贈順天府尹

胡福以子安贈澤州判官

郭中以子蟻贈太僕寺丞

葛守易以子彙生贈武英殿中書舍人

王宣以子麟趾贈直隸知縣

季守業以子東魯贈杭州知府  
張 習以子君寵封京衛經歷  
孫 佐以子世亨封大興經歷  
劉大爵以子興邦贈蕃牧所吏目

國朝

王從誨以孫宇泰贈侍衛

王拱極以子宇泰贈侍衛

葛如鳳以子元福贈當塗知縣

朱 珮以子世官贈修職郎

葛 槩以嗣子周玉贈修職郎

德平縣志

卷九

恩卹

一九

葛 棻以出嗣子周玉贈修職郎

閻永孝以孫州同總貲贈儒林郎

閻光綸以子州同總貲贈儒林郎

閻 煊以子聚贈修職郎

朱德純以子曉峯贈修職郎

葛淑武以子世寬贈儒林郎

信 萃庠生以子和來贈知縣階文林郎

信志洞貢生以孫和來贈文林郎

單 緒以子貞善贈兵馬司指揮

單陳善以子法先贈武德佐騎尉

閻澤潤以孫俊德贈武德佐騎尉  
閻汝桐以子俊德贈武德佐騎尉  
趙象萃以孫本忠贈武德佐騎尉  
趙一魁以子本忠贈武德佐騎尉

恩蔭

明

藺天倫以父琦蔭國子生任河南洧川知縣

葛 听以祖守禮蔭國子生累官戶部員外尚寶司卿

葛如龍廩生听子以曾祖守禮蔭國子生

葛元禎廩生如龍子以高祖守禮蔭國子生任戶部郎中廣

德平縣志

卷九

恩卹

二〇

天咸謙記南紙店代印  
濟南城內芙蓉街路西

西潯州知府

國朝

王宇澄以兄宇泰蔭國子生